

ԱՆՍՊՈՍԻ
ՀԱԳՎՐ ՏՎՐԻ

Տիգրան Հայրապետյան

ԱՆՍՊԱՏԻ ՀԱՋԱՐ ՏԱՐԻ

Քաղաքագիտական վերլուծություններ

ՀԱՏՈՐ 4



ԵՐԵՎԱՆ
2023

ՀՏԴ 32
ԳՄԴ 66.0
Հ 300

Հայրապետյան Տիգրան
Հ 300 Անապատի հազար տարի: Քաղաքագիտական վերլուծություններ
/ Տ. Հայրապետյան.- Եր.: Newmag, 2023.
ՀԱՏՈՐ 4.- 520 էջ:

Տիգրան Հայրապետյանի քաղաքագիտական վերլուծությունների չորրորդ հատորում մեկտեղված են հոդվածներ, որոնցում հեղինակն ապշեցուցիչ ծճգրությամբ դեռ 1990-ականներին ախտորոշել էր Հայաստանին սպառնացող ներքին ու արտաքին վտանգներն ու կանխատեսել հնարավոր աղետները: Այս հատորում Տիգրան Հայրապետյանը բարձրացնում է նորանկախ Հայաստանի հիմքերին առնչվող մտահոգիչ բազմաթիվ հարցեր՝ 1990-ականների սկզբին ձևավորված պետական կառավարման համակարգից մինչև ազատության ու պատասխանատվության համաչափ ընկալման կարևորություն:

Առաջին երեք հատորներում հավաքված նյութերում հեղինակը ներկայացնում էր Հայաստանի ու տարածաշրջանի խնդիրները, աշխարհքաղաքական կենտրոնների հավակնությունները և այդ գործընթացների մեջ մտնող Հայաստանի դերը: Նա տալիս էր «Երկիրը ծանր վիճակից դուրս բերելու համար ի՞նչ պետք է անել» հարցի պատասխանը: Այս հատորում հեղինակը վերլուծում է Հայաստանի հնարավոր հեռանկարները՝ դրանք դիտարկելով պատերազմի ու խաղաղության, ժողովրդավարության ու բռնապետության հակադրությունների համատեքստում:

Գրքում հավաքված հոդվածներն ու վերլուծությունները խիստ արդիական են հատկապես մեր բարդ ժամանակներում:

ՀՏԴ 32
ԳՄԴ 66.0

Գիրքը հրատարակվել է Տիգրան Հայրապետյանի
արևելագետ ընկերների աջակցությամբ:

ISBN 978-9939-967-16-5

Տիգրան Հայրապետյան «Անապատի հազար տարի» © 2023, «Նյու Մեգ» ՍՊԸ

Այս գրքի հայերեն հրատարակության իրավունքները պատկանում են «Նյու Մեգ» ՍՊԸ-ին և Տիգրան Հայրապետյանի մտավոր սեփականության իրավատեր Նազենի Ղարիբյանին:

Գլուխ 3 Երբ արքան մերկ է	97
Ոչ զուտ փիլիսոփայական երկխոսություն	97
Իսկ ո՞վ է պաշտպանելու ազգային շահերը	100
Հայաստան, յո՞ երթաս	106
Ծուռ հայելիների թագավորությունում	118
Արքայական գամբիտ	127
«Գորշ կարդինալի» հաղթարշավը	136
Նախագահի աշունը	140
Դաշնակցության փուշն ամբողջատիրության կանաչ ճանապարհին	152
Ռուսները նորից խաբեցին	158
Արքայական ցուզցվանգ	166

Մաս II Դիտարկումներ պատերազմի և խաղաղության սահմանագծից	187
Նախաբան	189

Գլուխ 1 Հայկական պետականության տվայտանքները	191
Դաշնակները կրկին պետք են	191
Զգուշացե՛ք ներքին արնաթողությունից	199
Չկայացած պետականության տվայտանքները	201
Իշխանության լեգիտիմության վերականգնման հրամայականը ...	207

Գործող նախագահի անձը վտանգված է, կամ հայերի ինչին է պետք հողը	220
Համազգային անհեթեթության էջերից	225
Ֆրուստրացիոն «իրականությունաստեղծման» ազգային կերպը ..	230

Գլուխ 2 Մի՛ տարեք մեզ ի փորձություն	236
Դանդաղ սուրը՝ լեզվաբանական աճապարարության տեսքով	236
«Ազգային իշխանությունների չեզոքացման» մեկնակետ	240
Գումարելիների տեղերը փոխելիս	253
«Պատերազմ թե՛ խաղաղություն» երկրնստրանքի մասին	262
ՀՅԴ. կասեցումից վերականգնում	268
Կրկին «Պատերազմ թե՛ խաղաղություն» երկրնստրանքի շուրջ	282
Մի՛ տարեք մեզ ի փորձություն	287

Գլուխ 3 Coup d'Etat	301
Coup d'Etat-ի թավշյա դրսևորումների վտանգը	301
Հայաստանում հեղաշրջման իրականացման տարբերակների շուրջ	304
Ռուսական ռուլետկա հայկական ոճով	327
Երկար դանակներ հայկական կարճամտության կոկորդին	334
Հայրենասիրական ամբոխվարությունից անդին	341
Դաշնակներին կրկին խաբեցին	345
«Հայի վերջին խելքը» կամ ինչու հեռացվեց Տեր-Պետրոսյանը	349
Խռովությանը Լեռնային Ղարաբաղը հնարավոր չէ պաշտպանել	354

Գլուխ 4 The Show Must Go On	365
Հայաստանում համայնավարական ռեանշի վտանգը	365
Իշխանությունն փոխեմ սահմանադրական ճանապարհով	370
Ռոբերտ Քոչարյանը՝ ՀՀ բազիլետոս բազիլետոս, պոնտիֆիկոս մաքսիմոս	373
The Show Must Go On կամ հերթական հեղաշրջմանն ընդառաջ	377
Վարչակարգի վերջին հույսը խորհրդարանը ցրելն է	379
Ներազգային պառակտման շեմին	382
Մոռանալ Հերոստրատին կամ վարչակարգի անկումը՝ օրվա հրամայական	386
Մաս III Զոհ չեմ ուզում ես, այլ ողորմածություն	399
Նախաբան	401
Գլուխ 1 Երբ տեռորը բացել է դուռդ	403
Բորենիների ժամը	403
Դատապարտվածների շուրջպարը	406
Կրկնակասեցման անգոլական նախադեպը	412
Գաղտնի գործակալների վերացումը ցավ չի պատճառում	416
Երբ տեռորը բացել է դուռդ	419
«Արմենթելի» գործի հնարավոր մութ անկյուններից	423

Գլուխ 2	Ընդդեմ նոր սպանությունների՝	
	հանուն արդար ընտրությունների	430
	«Երկրապահի» գործյան հանգույցը	430
	Ինքնարժևորման բարդույթ	
	կամ լիբերալներն ընդդեմ լիբերալների	434
	Դավադրության որոգայթներում	440
	Ինքնասպանության մեխանիկան	445
	Անմեղսունակության կանխավարկածը	450
Գլուխ 3	Մարդիկ չկա՞ն...	455
	Անապատի հազար տարի	455
	Վերջին մարդու իշխանությունը	458
	Եթե կույրն առաջնորդի կույրերին	467
	Մեր ու մեր միջև	471
	Դու ինձ չես հավատում	481
	Հիմարների հայկական նավը. առաջին մաս (անավարտ)	483
	Հիմարների հայկական նավը. երկրորդ ընթերցմամբ	496
	Խղճի խայթիկ	499
	Մարդիկ չկան	507
Կրակ	Եթե մոմը սեղանի տակ չես պահում	512

Մաս I

ՀԱՅԱՍՏԱՆ, ՅՈՐ ԵՐԹԱՍ...

Աշխարհի մեկ առանձին վերցրած երկրում անբարոյակա-
նության և մարդկային ստորին կրքերի շահարկման հեղ-
հեղուկ հենքի վրա բնականոն զարգացման հեռանկարներ
երաշխավորող պետականության կայացման հերթական
փորձը գլխովին տապալվեց՝ փլատակների տակ առնելով
նորօրյա այն կուռքը, որ հորջորջվում էր «ժողովրդավարու-
թյուն»։ Ազատականության արևմտյան ընկալման ամենաայլա-
սերված տարբերակի և արևելյան բռնապետության գերա-
դրական նկրտումների խաչասերումից ծնվեց հրեշը՝ հայաս-
տանյան տիպի ժողովրդավարությունը, որն անսանձելի է
դարձել անգամ նրա ստնտու քաղաքական այրերի համար:
«Այսպես պետականություն չի կայանում, պարոնայք»։ սա է
եղել մեր նախազգուշացումը տարիներ շարունակ, իսկ այսօր
արդեն՝ դատավճիռն այն համակարգի, որ հայ հասարա-
կությանն է մատուցվում իբրև կայացած պետականություն՝
իր էությանը խիստ հիշեցնելով «հաղթանակած սոցիալիզմի
դրախտը»:

Իրականում, հակաժողովրդավարության հաղթարշավը
երկրում սկսվել է շատ ավելի շուտ՝ արտահայտվելով ինչպես
իշխանությունների, այնպես էլ քաղաքական կուսակցություն-
ների կաղապարացման, նրանց ներսում անհանդուրժո-
ղության աճի, անբարեհույսների նկատմամբ զտումների
կիրառման և այլ ձևերով: Բռնապետության միտումի դրսևո-
րումները Հայաստանում ոչ միայն իշխող ընտրախավի, այլև

քաղաքական բոլոր ուժերի գաղափարական ճգնաժամի և ստեղծագործ բարենորոգչական մտքի բացակայության հետևանքն են: Իրավիճակը, ազգային շահերն ու ազգային անվտանգությունը պահանջում են, որ հանրապետությունում վերականգնվի բազմաբևեռ քաղաքական դաշտ՝ ուժեղ իշխանության կողքին ազդեցիկ ընդդիմության առկայության մոդելով: Նախագահը պետք է թեկուզև մեկ, բայց հաղթելու ռեալ հնարավորություններ ունեցող մրցակից ունենա: Իսկ այն ուժերը, որոնք ևս կկիրառեն «մեր դեմ խաղ չկա» տխրահռչակ մեթոդը, պատասխանատվություն կկրեն թե՛ սեփական և թե՛ ազգային իղձերի գերեզմանափորի դերը ստանձնելու համար:

«Գնացե՛ք, հայտնե՛ք Հռոմի ժողովրդին ուրախալի լուրը, որ ես նրան եմ վերադարձնում երկար սպասված ազատությունները՝ դրանից բխող ամբողջ պատասխանատվությամբ հանդերձ»։ Կարծես մոտավորապես այդպես է հնչում Կալիֆուլայի ողջույնը հռոմեացիներին, համենայն դեպս՝ Քամյուի մատուցմամբ: «Ազատությունը պատասխանատվություն է պահանջում» արտահայտությունն այն աստիճան ծեծված է և բանալ, որ ցանկացած մարդու իրավունք է տալիս չգիտակցել նրանում խտացված իմաստությունը: Հայ հասարակությունը թե՛ հայրենիքում և թե՛ սփյուռքում այնքան բուռն էր ձգտում ազատության, որ ընթացքում իսպառ մոռացության մատնեց ազատության պարտադիր ուղեկցորդ պատասխանատվությունը:

Երրորդ աշխարհի ուրվականը

Փոքր ժողովուրդը միջազգային հանրության դատի առաջ

Եվրոպայի ու Միջին Արևելքի քաղաքական պատմությունը միշտ զարգացել է հզոր տերությունների վերահսկողության տակ՝ բացառությամբ այն հազվադեպ և կարճատև փուլերի, երբ անիշխանությունը համակել է աշխարհամասի մեծ տարածքները՝ պայմաններ ստեղծելով առանձին ժողովուրդների անկառավարելի ինքնադրսևորման համար: Վերջին երկու հարյուրամյակներում իրադարձությունների զարգացման և կառավարելիության համակարգվածության աստիճանը միշտ բարձր է եղել և հակում ունի պահպանելու իր կայունությունը: Ինքնագործունեության հնարավորությունն առավելագույնս սահմանափակված է, և պետք է համաձայնել մեր երկրի ղեկավարի այն տեսակետի հետ, որ Հայաստանը չի կարող ինքնագլուխ, կամային որոշումներով իրականացնել այն, ինչը վերջին տասնամյակներում արտոնվել է միայն բացառիկ երկրների. ասենք՝ Թուրքիային՝ Կիպրոսի խնդրում, Իսրայելին՝ արաբական պետության տարածքներում: Բայց էությամբ ճակատագրապաշտական և խիստ վտանգավոր այն հետևությունը, որ արվել է նման

ամբողջական գիրքն այստեղ է՝

Bookmark 